

Fundacion Parlamento Hubenil Aruba y Asociacion Consejo Hubenil Aruba 5 aña di existencia parando fuertemente tras di derecho y opinion di hobennan di Aruba

STA.CRUIZ--Proximamente, e miembronan di Parlamento Hubenil Aruba lo celebra e 5 aña di existencia recordando cada momento di e organizacion for di comienzo te cu awe. Fundacion Parlamento Hubenil Aruba a crece dentro di añanan ganando su experiencia propio como un organizacion pasando den diferente obstaculo pero cu awe a logra ta fuertemente estableci y para den su zapato y cu alegria y den harmonia di su miembronan lo celebra e dia tan special aki. E dia aki lo ta uno di gran satisfaccion pa su miembronan mirando cu e organizacion aki ta completamente den man di hobennan y bao guia di un Jeugdconsulente y Directiva Fundacion Parlamento Hubenil Aruba.

Dentro di añanan Fundacion Parlamento Hubenil Aruba a brinda su miembro nan experiencia riba diferente tereno, ofreciendo diferente curso formando caracteristicanan fuerte y positivo den su hobennan caminda e hobennan a crece tanto personal- y profesionalmente. Un Pabien na Parlamento Hubenil su miembronan y cu sosten di nan mayornan cu ta haci cu Parlamento Hubenil Aruba por tey awe bringando pa derecho di nos hobennan. Alavez Fundacion Parlamento Hubenil Aruba kier a gradici tur esnan cu e donacionnan cu cual nan por a contribui, yuda, sostiene y confia den un manera of otro den pasado den proyectonan cu a bin 100% di nos hobennan y cu nan a eherce

e proyectonan riba nan mes y cu e proyectonan a logra nan exito y marca historia caminda ta demostra cu nos hobennan di Aruba tin talento, cu nos hobennan tin idea y cu nos hobennan tambe por contribui positivamente na e comunidad Arubano y haci un cambio. Por ultimo Un danki caluroso y di curazon ta bay na tur instancia cu a traha cerca di nos organizacion y sigur na su miembronan hoben di Parlamento Hubenil Aruba cu a traha y ta trahando voluntariamente den e organizacion pa asina hiba e organizacion y su hobennan mas padilanti bringando e meta principal di e organizacion, esta sostiene, guia, conseha y proteha nos hobennan di Aruba y laga nan voz resona.

